



## **Uunga siunnersuut. Inatsisartut Ombudsmandiat pillugu Inatsisartut inatsisaat.**

(Inatsisartut Siulittaasoqarfiat)

(Siullermeerneqarnera)

Siulittaasoqarfik qujanaq siunnersuummut.

Ombudsmandi tamat oqartussaaneranni qitiulluinnarluni inissisimavoq. Suliffeqarfiuvoq, innuttaasut saaffigisinnaasaat, misigisimagunik, pisortat suliassiissutertik pitsaasumik suliarisimangippassuk. Inatsisinit illersugaanermik annertusaataasoq, oqartussanut tatiginninnermik aammalu innuttaasumut ataasiakkaanut tatiginninnermut.

Demokraatinut pingaartuuvoq, innuttaasut arlaannaanulluunniit pituttorsimangitsumut saaffissaqarnissaat, allaffissornermik nakkutilliiinnaasumut kukkunernillu, amigaataasunik naleqqutinngitsuliornernillu uparuaasinnaasumut. Tamanna tamat oqartussaanerannut peqqinnartuuvoq, aammalu qulakkeerinneqataalluni, pissaanerup akisussaassuseqartumik atornissaanik.

Siunnersuutip imarai pingaarnertut erseqqissaanerit nalimmassaanerillu Inatsisartut Ombudsmandianut malittarisassanut tunngasut. Ilaatigut soraarsitaasarneranut ukiut 65-iniik 70-inut qaffanneqassapput, ersarinnerulersitsissallutillu soorlu makkuningga: akissarsiaannut oqaasertaliussat, soraarnerussutissiassaannut, soraareernermi akissarsiaannut, aammalu sulisutut ineqartitaanernut tunngasunut.

Inatsisit ingerlaavartumik nutarterneqartarnissaat pingaartuuvoq pissusissamisoorlunilu, taamaasilluni ersarissaanerit aammalu ullutsinnut tulluuttuullunik paasiuminarnerusunillu nassuiaatitaqartarnissaat. Minnerunngitsumillu, kiffaanggissuseq, uppernassuseq aammalu inatsisitigut illersorneqarneq pingaarnerutinneqarlutik.

Taamatut oqaaseqaateqarlutik Demokraatit siunnersuut akuereqqullugu Inatsisillu pillugit ataatsimiititaliami suliareqqinneqassasoq innersuussutigaa.